



重修  
澤  
縣志

江苏工业学院图书馆  
藏书章

相五題



重修潭縣志自序

縣志於明之末葉遭燬三百年來文獻久湮中華  
民國十四年邑人楊國楨謀於宰纂修十七年經  
余刪訂後梓印因時日短促其舛失漏略頗多且  
志後事未及紀者將八年矣乃復尋考博采更事  
重修凡舊志之是者存之誤者正之缺者補之紛  
者理之未及紀者續紀之點竄動移潛心累月迄  
二十二年冬成書自愧無學不能如賈昌之說故  
事歷歷目前馬援之畫山川曲折具見然方之舊



志則稍詳而約信而不誇故重付印以就正於世  
之君子中華民國二十三年二月邑人韓世英識  
於甘肅學院出版部

重修漳縣志目錄

邑人韓世英重修

卷之首

圖

弁言

目次

卷之一

輿地志

沿革

疆域

形勢

險要

山川

八景

古蹟

插花地

風俗

方言附



卷之二

建置志

城地

公署

市鎮

關梁

堡寨

水利

鹽法

草場

倉儲

倉院

古驛城

兵防

驛遞

兵事

卷之三

祠祀志

壇廟

祠宇

寺觀

陵墓附

卷之四

田賦志

田丁

賦額

雜稅

苛稅目

加收警餉

戶口

物產附

卷之五

學校志

舊儒學 舊書院 舊義學 學校 學款 選舉

卷之六

官師志

官制 公俸 卓異

卷之七

人物志

鄉賢 耆舊 仕宦 封爵 忠節 孝義 列女  
釋仙附

卷之八

文藝志

詔誥 表疏 公文 雜文 詩歌 軼事附



漳縣志卷一

輿地志

沿革

唐虞夏商爲雍州域

東周屬秦

秦爲鹽川寨

見廣輿記

屬隴西郡

漢爲襄武地屬隴西郡

郡治在今狄道

後漢章帝時析襄武地初置漳縣屬隴西郡

三國屬魏名因之

晉永嘉後荒廢

永昌元年爲前涼張茂所取



永寧元年奪於前趙劉曜

咸和四年併於後趙石虎

永和六年附於前秦苻健

太元八年爲乞伏國仁所據屬廣寧郡

隆安四年奪於秦姚興

義熙六年爲西秦乞伏乾歸所取十四年侵於夏赤連勃勃

南北朝宋元嘉七年元魏克夏入於魏

景明三年改廣寧郡爲廣安郡名障縣

梁太平二年魏恭帝四年宇文覺受魏禪地歸周廢廣安郡屬略陽郡郡治在今秦安

隋復名涼縣屬隴西郡

大業十三年爲薛舉據次年秦王破薛仁果歸唐

唐初因之 屬渭川郡郡治在隴西武德初改名渭川天寶時復名隴西

天授二年更名武陽

神龍元年復名漳縣

廣德元年陷於吐番

五代荒廢 爲吐番所據

宋熙寧六年開復置鹽川砦 屬鞏州即今隴西地

紹興初陝西五路俱陷遂併於金爲鹽川鎮 屬定西州郡治在今定西

元至元十七年復置障縣 屬鞏昌路治在今隴西

明洪武初更名漳縣編戶四鄉(一)衣錦(二)永豐(三)新豐(四)近岩隸鞏昌府治在今隴西

清因之



雍正五年劃隴西岷州洮州衛地置二屯

鐵屯 煙屯八年又劃岷州地置三里(一)成麻二貴清

(三)古占

道光九年改降隴西分縣

陝甘總督楊遇春疏 竊查西寧府所屬之丹噶爾地方爲漢土回民番子蒙古往來之交通要道前外夷安貼貿易無多設駐簡缺主簿一員專司稽查約束至

道光十二年因商賈雲集事務繁雜奏請改爲繁缺主簿在外遴選陞調在案近年以來野番不時偷渡查稽漢奸最關緊要該處在關門外相距日月山卡倫僅數十里地方遼闊路徑紛岐奸究易於潛匿兼之以道通海藏並有應徵番糧及進番藏事務詢屬邊疆重要之區僅一佐雜微員實不足以示彈壓而資治理臣與藩臬兩司悉心籌議地方今昔情形不同自應因時制宜以昭慎重合請旨將丹噶爾主簿一缺裁汰改設丹噶爾撫邊同知一員定爲邊缺在通省承倅州縣內酌量陞調再查設官各有定額例不准將州縣以上之缺與佐雜互異茲既請添設同知自應比照繁簡互改之例於承倅牧令各缺內遞相裁汰以符銓改查有鞏昌府屬之漳縣知縣係屬遞缺距連界之隴西縣僅七十里地方編小政簡民淳分駐佐雜一員足敷治理又蘭州府屬之金縣知縣原係中缺乾隆三十五年改衝疲難要缺在外揀調查該縣附近省城所管定西清水二驛止於接遞差務額徵錢糧無多民情亦甚醇樸相應請旨將漳縣一缺裁汰以抵丹噶爾改設同知之缺金縣仍改衝疲中缺歸遞以抵漳縣裁汰遞缺漳縣地方歸併隴西管轄即將該縣典史改爲隴西分丞仍駐漳縣地方以聯臂指其漳縣訓導一缺援照莊浪鄉學之

例改爲隴西鄉訓導一切學制祭祀仍循其舊以崇文教而重祀典如此一轉移間員缺各得其宜於選油亦無靈  
擬臣爲慎重邊防起見不揣冒昧恭摺具奏是否有當伏乞皇上聖鑒訓示施行

中華民國二年五月復爲漳縣

屬關山道道尹駐

十五年道尹裁直屬省政府

二十一年劃岷縣紅門寨李家河遠門下等十八莊於成縣里

### 疆域

縣治在省城南四百二十里東西廣一百九十餘里南北袤一百餘里距北京三千八百里  
南京四千餘里

東出孫家峽交渭川道屬武山縣界三十里

山孫家門迤南臨青陽山至高家溝與武山分界

東南至新寺鎮交武山縣界七十里

由新寺鎮再南經角龍岸轉東經南寺川折南經孔家山雙兒場郭家  
菴石山山腰水泉至天爺梁距城共一百里與武山分界



民國十二年漳縣知事張鶴武山縣知事何瀛委員徐東藩因新寺鎮學界案訂立合書於左

(一)查新寺鎮係清雍正八年由岷嶺渡營轄久矣其東名曰新寺東係武轄境接壤交插形同犬牙礙難劃分  
界漳歸漳營武歸武營各存舊制不得侵越但如鹽市前街財神廟內路北二關門面路南五間門面西至什  
字巷口山巷口內直南抵大山山根為止歸漳營轄其巷以東均負享武山權利義務

(二)新寺鎮設自明嘉靖七年由本地成楊兩姓等呈請岷署統轄市政有年矣武山迄今未行市政不得妄爭  
(三)新寺鎮東岷東界碑係清康熙四十一年隨右道批立不得拆毀作為古物仍須保存以上三條內兩縣官紳  
均應遵守不得違背

南至繚條溝交岷縣界九十里

自天龍梁南至上真溝轉西經大黑山山口下竹林寺西流水奇台溝冰林灣  
折而東至黑虎河復西折經黃家河大灘子至繚條溝由繚條溝沿山西經團

子下舍古里從露氣溝出溝  
至虎龍口均與岷縣分界

西南至虎龍口交岷縣界一百里

由虎龍口嶺山西經康家寨康家樓險溜口至西方景梁沿梁北逕亂灘子  
至柳樹灣折而西至二牌里又西沿虎龍口梁至石關下均與岷縣分界

西至石門關交岷縣界四十五里

自石關西經胡家溝驢背山至分水嶺與岷縣分界

西北由車廠下再西至分水嶺交狄道界九十里

自分水嶺北折而東沿山至維寸溝沿驢坪山旗杆山至竹槽構煙波里與渭源隔西分界

北至藥鋪山交隴西界十五里

延西經薛家溝薛家榜岸蘇家川至煙波里延東經楊家溝烏龜里至平道里均與隴西分界

東北至平道里交隴西界二十五里

自平道里南經盧家山蘭家灣梁家灣至孫家門與武山以樺林山分界

### 形勢

岷山縣峙西傾延環石門鑰乎兌位孫峽閉於震方彈丸之地扼番障隴

漳水濚迴潤地寶井便民裕國北濱碧樹南岸青烟望之可以入畫矣

### 險要

鱸魚關在城西四十五里俗名石關兒即石門關東維秦隴西障番族爲隴南鎖鑰

宋太尉張嘉大破羌

乘於此至今民間猶傳有百馬倒踏石門關之謠



謝家口在城西六十里爲鐵屯戶牖通狄河孔道

竹槽溝在城西北三十五里兩旁石崖聳峙相錯如犬牙中有谿徑爲往省垣捷道

孫家峽在城東二十五里兩山陡合漳河曲折旋流東西二潭水碧而深俗名南渦北渦李漢

廣曾進  
兵於此

朱古洞在城西南四十五里一名穿山洞爲通洮岷要道

碧峯山在城西南三十五里俗名三岔崖同治時回氛小靖邑人藉以保全者甚衆明崇禎九年邑人趙

之後施捨田土文爲流寇大變鹽井居民無處避藏衆人尋至三岔碧峯山可以避難豎立梵刹一所招住僧人

性海等無以養膳之後發心願將買到黎可舉山地一分捨出半分東至水泉南至水溝西至本山崖北至山

嶺此捨領與本山作爲香火之資性海等一面開墾耕種自捨之后或有人言說者之後一面承當並不干僧人之

事恐後無憑立此捨約存照

朝陽洞在城西六十里胡家溝同治兵燹狄渭難民僑寓保全者不勝其數

青瓦峽在城南五十里扼要地也

清同治時軍門傳  
先宗破賊於此

石溝峽在城東南六十里爲龍川西南樞要

同治四年提督曹  
克忠破賊於此

蘭州家門在城南九十里新寺南河發源於此冬則堅冰溜滑險於平時

### 山川

西傾山在城西南百餘里西南諸山皆其支阜

縣西南有山名西傾原非西貢  
所載之西傾山然亦其支阜耳

露骨山在城西七十里盛暑積雪亦名雪山上有一龍湫池轉雨輒應

宋王韶破和諾穿露骨南入洮  
州道險釋馬徒步即此其先鋒

苗援破先羌於  
此獲冷鷄模

鳳凰山在城南三十七里

清康熙甲申歲觀察使黃志漳題山  
高水清數字於巖上下有鳳凰橋

貴清山在城南七十里秀峯比比可登者三中峯峭立如削猶爲特奇俗名西方景即西方

勝境也山多松皆生石罅間斷澗深約千仞駕橋通之半壁鑿有洞即鐵牛禪師爛道處



山坡松密如麻廟宇半明時故址爲鐵牛禪師募化建修者山巔寬敞可居數百家鄉民

遇變輒避其上山門嚴封一夫可扼萬人

謝葆靈詩 貴清山兩點壁削四邊空衆壑屏環後雙橋路始通人間算奇境地局匪全工佛法鐵牛大仙心羽客同犬

羊無定性鯨鱷起腥風避世須民力鱗靈要樹蔥從茲休翳伐造化補蒼穹

韓世英曰貴清名山也僧可成佛道可成仙惟邇來僧帽道冠者大抵別有用意民國十一年妖道李某竊茲山始而翳林繼而藏姦卒竟聚衆殺人殺今者青山無恙而林影廟焚離之過與李妖道死有餘辜矣

三岔山在城西三十里東通武羌南抵臨岷北達隴渭故名

藥鋪山在城北十里產藥材上有大塚俗稱藥王墳

或云此處古有藥王廟年久頽圯後人頻年積土遂成墳狀

三台山在城北二里

南山在城南五里一名汪古山元隴右王汪世顯墓在其東麓對面有小鹽井一孔

鹽山在城南五里俗名貓兒嘴形似龜壳爲鹽井鎮主山支阜築有堡山麓有鹽井二孔